



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Dubium. III. De tempore requisito ad ligitimam præscriptionem
immobilium.

[urn:nbn:de:hbz:466:1-73001](#)

juvatur hac regula; sic Gomez q. 10. in fine, dicens sic decidisse Rotam; & cum illò Sanchez n. 30. qui pluribus locis notat, licet impedimenta quædam, obstantia beneficiorum receptioni, faciant etiam titulum, non esse coloratum (ut defectus protestatis in conferente, privatiō jure inducta, excommunicatio, irregularitas, &c.) in ordine ad alios juris effectus; non tamen in ordine ad effectum hujus regulæ, nisi sint intercepta.

D U B I U M . III.

De tempore requisito ad legitimam præscriptionem immobilium.

Supponend. jure communi præscriptio nem longi temporis esse inter præsentes 10. inter absentes 20. annorum; & hanc eodem jure sufficere ad præscriptio nem immobiliū suppositis ceteris quoquæ conditionibus ad legitimam præscriptionem requisitis; quo habetur immobilia privatōrum præscribi possessione longi temporis, munita ceteris quoquæ conditionibus; habetur §. Immobiles, institut. h. t. ibi: immobiles vero per longi temporis possessionem (id est, inter præsentes decennio, inter absentes viginti annis) usucapiantur, & toto tit. præsertim L. ult. C. de prescript. longi temporis. Ex dictis porrò iuribus sequitur tempus ordinariū præscriptioni immobiliū contra præsentes, esse tempus longum, nempe 10. contra absentes 20. annorum, juxta exceptionem notatam in præmissis.

Quæstio autem est. i. qui præsentes, & absentes censemuntur ad effectum præscriptionis? respondet Molina tom. i. tr. 2. D. 69. ex L. ult. C. de longi temp. prescript. statuente, eos præsentes censeri, qui in eadem provincia commorantur; sive res præscribenda in eadem sit provincia, sive non; hoc tamen (inquit ex gloss. & Bart.) verum erat, quando provinciæ per Præsidem unum, communemque omnium Jūdicem regebarunt: verumquæ etiam esset hodie, si provinciæ aliquæ simili modo regerentur: quia tamen hodie singulæ civitates habent ut plurimum suos supremos Judicēs, quorum jurisdictione, certis quibusdam locorum terminis clauditur, spatiumque integrum jurisdictionis, Latini cōventum dicebant; hinc est, quod hodie illi censemuntur præsentes, qui in eodem habitant;

tom. II.

illi verò, qui in diversis ejusmodi partibus, seu conventibus degunt. Zoëlius l. 7. in Cod. tit. 33. præsens, inquit, dicitur, qui in eadem provincia cum parte adversa domicilium habet, ut conveniri possit, & interrumpi possit, sive res ibi sit, sive alibi; absens, quando alteruter in alia provincia habet domicilium, L. fin. b. t. ubi in annotationibus lit. A. additur, quod is, qui in diversis provinciis domicilium habet, in omnibus pro præsente habeatur, L. ult. C. h. t.

Quæstio 2. est, quid dicendum, si is, contra quem præscribitur, partim præsens, partim absens fuerit? Resp. ex Authent.

Quod si quis C. de long. temp. præscript. ibi: quod si quis quibusdam præsens sit, quibusdam absens, adjiciuntur ei super decennium tot anni, quot annis ex decennio fuit absens.

Quæstio est. 3. an præscriptio temporis ordinarii procedat hodie, etiam in rebus mobilibus, & immobiliis Minorum? De hac quæst. L. ult. C. in quibus causis restit. in integr. non est necess. sic loquitur: humanus est, latius eandem legis interpretatione extendere in omnibus casibus, in quibus vetera iura currere quidem temporales præscriptiones adversus minorēs concesserunt, per in integrum autem restituionem eis subveniebant: eas ipso jure non currere. Melius etenim est, intacta eorum iura servari, quam post causam vulneratum, remedium querere, videlicet exceptionibus 30. vel 40. annorum in suo statu remanentibus; quo habetur res illas Minorum nec cum titulo præscribi tempore ordinario.

Not. autem, me dixisse immobilia præscriptum titulo tempore ordinario, nimis longo, 10. vel 20. annorum. Nam sine titulo nec res mobiles privatōrum præscribuntur, nisi tempore 30. annorum, atque adeo longissimo, prout habetur L. si quis 8. C. de prescript. 30. annor. ibi: si quis emptionis, vel donationis, vel alterius cuiuscunq; contractus titulo rem aliquam bona fide per decem, vel viginti annos possederit, & longi temporis exceptionem contra dominos ejus, vel credidores, hypothecā ejus prætendentēs sibi acquiescerit, posteaq; fortuito casu possessionem ejus rei perdidit, posse eum etiam actionem ad vindicandam rem eandem habere sancimus; hoc enim & veteres leges (si quis eas recte inspicerit) sanciebant. Si enim præscriptio immobiliū defectu tituli

Kkk

remo-

removetur à tempore ordinario, à fortiori id sequitur de præscriptione mobilium; cùm longè pronius sit in hac, ex tali defetū, præsumi malam fidem.

2426. Ab eo autem, quod diximus n. 2421. excipe immobilia Ecclesiarum, Romanā inferiorum; nam adversus Ecclesias, Romanā inferiores, in immobilibus non præscribitur, nisi annis quadraginta, consequenter tempore longissimo, 40. annorum. Et quamvis olim, ut censet Pirching. h.t. num. 92. sufficerent anni. 30. ut colligitur ex 16. q. 3. c. *Quicunque 4. ibi:* quicunque Episcopus alterius Episcopi dicecēsim per *triginta annos*, sine aliqua interpellatione, possederit, quamvis secundūm jus legis, ejus non videatur esse dicecēsis, admittenda non est contra eum actio reposcendi. Sed hoc intra unam Provinciam: extra verò nullo modo, ne dum dicecēsis defenditur, provinciarum termini confundantur; & c. placuit. 8. *ead. caus. & quest. ibi:* ut res & privilegia, quæ Dei Ecclesias ex longa consuetudine pertinent, & sive à divæ recordationis Imperatoribus, sive ab aliis Dei cultoribus in Scriptis donata, & ab eis per annos 30. postessa sunt, nequaquam à potestate præsulūm eorum quæcunque persona secularis per potestatēm subtrahat, aut per argumenta quælibet auferat: sed sint omnia in potestate, ac jussu Præsulis Ecclesias, quæcunque intra 30. annorum spatiū ab Ecclesias postessa fuisse noscuntur: quamvis, inquam, olim sufficerent anni 30. hodie tamen requiruntur, & sufficiunt contra illas (secluso privilegio) anni 40. intellige cum exceptione, de qua supra; constat 1. ex dict. n. 2398. ex Authent. quas actiones, ibid. relata.

2427. Deinde etiam ex c. de quarta. 4. h. t. ubi Alexander III. ait: *de quarta decimæ, & oblationis defunctorum Clericus ab im- petitione Episcopi, quadragenalis præscri- ptione temporis, se posse tueri videtur, nisi forte interim pastoralis Sedes caruisset Pa- store, qui jura Ecclesia sua exigere debu- set.* Nam Romana Ecclesia triennalem præ- scriptiōnem, contra Ecclesiam, non admittit.

2428. Dixi: ut immobilia Ecclesiarum infe- riorum præscribantur, requiri nunc, & suf- ficerē 40. annos, suppositis ceteris con- ditionibus, & secluso privilegio; quædam enim Ecclesiæ, & loca religiosa, privile-

gia sunt. Nam adversus Monasteria Or- dinis S. B. Benediti, & Ordines eorundem priviligiis gaudentes, requiruntur 60. an- ni juxta privilegium Eugenii Papæ apud Less. l. 2. de Jure, & justit. c. 4. d. 3. n. 2. *s.* Legata, donata; vendita civitatibus, quæ- quæ ad Coronam Regni, vel Principatum, aut Provinciam spectant; centum itidem annos requirunt, ut præscribi possint juxta L. ut inter, C. de sacrof. Eccl. in Germa- niā adversus Monasteria Ordinis Cisterciens. S. Bernardi, requiruntur anni centum, ut tradit Haunold. tom. 1. tr. 5. num. 300. ubi addit, hoc ultimum Ordinibus Mendicantibus à Leone X. & Pio IV. con- cesso sum esse, ratione immediatæ subjectio- nis Sanctæ Romanæ Ecclesiæ, & Sedi Apo- stolicæ, sub cuius protectione suscepti sunt.

Dixi. 2. Ecclesiarum inferiorum. Nam contra Ecclesiam Romanam immobilia non præscribuntur nisi possessione centenariâ, constat ex dict. n. 2398. adeoque non sufficit quadragenaria, excepto casu uno, de quo agitur c. fin. h.t. in 6. *Q. si post mortem,* ubi dicitur: si aliqui hæretici deceperint (qui, dum vixerunt, Catholici putabantur, & bona ipsorum à filiis eorum, aut nepotibus, vel quibuscumque etiam extra heis hæ- redibus Catholicis 40. annis bona fide possessa fuerant) postea molestandi non sunt, tametsi ea bona ad Ecclesiam Roma- nam pervenire debuissent.

A communī regula, contra Ecclesias Ro- manā inferiorēs, immobilia præscribi 40. an- nis, non autem minori tempore, casus spe- cialis excipiendus est, de quo agitur c. Pla- cuit. 1. h. t. ubi dicitur, quo si quispiam Præ- latorum, locum aliquem, ad fidem Catholicam converterit, & per triennium tenuerit, non repetente Episcopo, ad quem de jure pertinet, ulterius repeti non possit; excipiuntur tamen duo casus, ubi hoc non proce- dit. 1. si Ecclesia Cathedralis vacaverit, non præjudicatur ei, quo minus constituto Episcopo locus repeti queat; deinde, si Episco- pus ab hæresi ad fidem Catholicam redie- rit, ex tempore redditus triennium ipsi con- ceditur ad repetendum locum, qui ad Ec- clesiā Cathedralē pertinet.

Ex hoc textu habetur, si Episcop. homines à fide alienos, licet olim spectaverint ad al- ienam diœcesim, per se, vel suos reducat ad fidem, & subjectionem alias Ordinario debitam, & triennio in ejus loci possessione per-

perseveret, veteri Ordinario illos ad suam jurisdictionem non repetente, sed tacente (etiam Sede non vacante) territorium illud contra tacentem præscribit sic, ut deinceps non ad veterem Dicecesin, sed præscribentis pertineat; quod obtinere potest in casu, quo terræ fidelium, temporum, aut bellorum iniuitate, per Turcas, vel Hæreticos abreptæ; ac à debita subjectione, & vera fide alienatæ, justis Catholicorum Principum armis recuperantur. Dixi: *Sede non vacante*; nam vacante Sede contra illam non curreter præscriptio, ut dicemus inferius. Unde etiam in ipso textu insinuatur, quod diætæ præscriptioni non esset locus, si etiam talis loci hominibus à vera fide lapsis ipse Episcopus ab eadem defecisset, nisi postquam talis Episcopus ad fidem Catholicam revertens, ex die, quo conversus est, intra triennium eos homines, qui ad Cathedram ejus pertinebant, non revocaret.

D U B I U M IV.

De præscriptione contra Ecclesiæ, ac eærum bona.

^{2432.} Ex dictis constat, res mobiles Ecclesiæ, etiam Romanæ, præscribi triennio suppositis cæteris conditionibus ad legitimam præscriptionem requisitis; ratio sumitur à n. 2400. quod à fortiori procedit, etiam de Monasteriis, & locis cæteròquin privilegiatis in n. 2428. Constat 2. res immobiles, etiam Ecclesiæ Romanæ inferiorum, & non exceptarum Privilegio, quæ privilegiatae non sunt, non præscribi tempore longo, seu Ordinario, sed solum longissimo 40. annorum ex n. 2426. & hanc sufficere, sed juxta dicta à n. 2429. non autem minori, extra casum, de quo n. 2430. & seqq. Beneficia verò possessione triennali, juxta explicationem regulæ de triennali, à n. 2408. quibus prænotatis:

^{2433.} Quæstio est, an una Ecclesia contra aliam præscribere valeat, & quanto tempore? videtur enim quod non; quia privilegiatus regulariter non utitur Privilegio contra pariter privilegiatum; cum ergo quælibet Ecclesia gaudeat Privilegio, quod contra

Tom. II.

ipsum non præscribat, nisi possessione quadragenaria; Ecclesia, contra quam minori tempore (decennali v.g. vel vicennali) præscribit altera, non poterit huic pariter privilegiatae opponere suum Privilegium, vel uti suo Privilegio contra ipsum, utpote pariter privilegiatam; ergo una Ecclesia minori tempore, quam quadragenario præscribet contra alteram potest.

Nihilominus dicendum, valere quidem præscriptionem unius Ecclesiæ contra aliam, sed solum quadragenariam; probatur ex c. ad aures 6. b. t. ubi, cùm inaudisset Pontifex, duas Ecclesiæ litigantes super decimis, quas una earum in alterius Parochia, 40. annis possedit: respondit, de jure meliorem esse conditionem possidentis; quia quadragennalis præscriptio omnem prorsus actionem excludit. Altera vero pars præter dicta etiam habetur in c. Illud 8. eod. ubi rescribit Pontifex *adversus Ecclesiæ, præscriptionem, 40. annis minorem, ab Ecclesia Romane non admitti*, licet quidam Canones comprobent tricennalem. Verum si de præscriptione, & interruptione fuerit mota quæstio, ab utraquè parte testes recipi debent, & si probata fuerit interruptio, præscriptio non tenebit. Similiter inter duos Abbates ortam de finibus contentione jubet agrimensoris definitione terminari in præsentia Judicis, 40. tantum annorum præscriptione utriquè parti servata; ut habetur c. *Quia 9. eod.*

Ex his decisionibus habetur. 1. valere præscriptionem immobilium unius Ecclesiæ contra aliam; 2. non tamen minori tempore, quam quadraginta annorum; excipe casum, de quo num. 2430. ex c. Placuit. 1. b. t. Ad rationem dubitandi n. 2433. 2. cùm dicitur, privilegiatum uti non posse privilegio suo contra æquè privilegiatum, & eo casu, conquisato hinc inde Privilegio, standum juri communii, id procedere tantum; quando uterquè privilegiatus in specie concurrit in actu, & exercitio sui privilegii; in proposito autem non datur hujusmodi concursus; sed sola Ecclesia, contra quam præscribitur, privilegiata est, & in specie agit de usu, & exercitio sui privilegii circa quadragenariam præscriptionem, Ecclesia vero præscribens, licet alias in genere pti-

vile-

K k k 2.